

俱弛備

丙戌呂維祺為尚寶司卿

丁亥誅故錦衣衛左都督田爾耕

戊子故部左侍郎臧爾勸贈兵部尚書廕子入監

八月己丑朔諭通錢法

給袁崇煥十萬金資鼓鑄仍發餉金二十萬

庚寅毛文龍慰諭各島值風泊登州

召廷臣于平臺諭事

辛卯都督趙率教為總兵官鎮守永平薊州轄馬松大

石曹墻八路

改胡世賞刑部右侍郎錢象春通政使呂兆熊南戶部尚書  
總督糧儲

禮部右侍郎徐光啟補日講馬之騏補經筵

壬辰上于乾清宮大殿額曰敬天法祖

太常卿蔣一驄疾去林宗載為太常卿

癸巳御史張三謨言君德無為臣道代終罔知罔兼君德所


貴皇上臨下以簡御眾以寬宜摠其大指以責成功令閣

臣盡心輔導或有所失言官不能執爭事關一節無干清議

國權

崇禎元年

六



惟當就事論事固不得為輕薄詆毀之言以傷大臣之體大臣亦不得因小言輒去務秉虛公以成休容之風 上是之王象乾仍兵部尚書右都御史督師行邊宣大薊遼禦下甲午令江西吉安人如會典准食淮鹽南刑部尚書潘士良免

諭曰朕欲與大小臣工日籌庶務而諸司各有職掌宣召頻繁恐滋耽閣惟是輔臣呼吸相通今除盛暑祈寒之外朕當時御文華殿參詳章奏乙未李日華為太僕少卿倪應春為南太常少卿


已亥起唐暉尚寶司卿命郵故吏科給事中侯震揚字 江南嘉定人萬歷庚戌進士天啟壬戌劾沈淮交結客氏盧受之罪至是子恂上疏請贈

辛丑李叔元為光祿卿壬寅起禮部尚書盛以弘協理詹事府朱大啟為太僕少卿添註楊觀光為南太僕卿

乙巳章光岳為太常少卿起郝士膏為兵科給事中侍講徐時泰孫之獬

陳其慶並削籍貢士周錄除

國權 崇禎元年 癸



名應秋之子

丙午起謝陞太常少卿

神廟德妃許氏薨附葬張順妃園

丁未前兵部尚書邵輔忠戶部尚書李精白黃憲卿並削籍  
上始御文華殿參詳章奏翰林科道各二人備宣讀中書舍  
人二人侍班

戊申吏部尚書王永光言三事貪殘宜戒冊報宜信揀避地  
方宜罪從之

己酉彭維城改南太常少卿

庚戌起劉定國太僕卿


故吏部尚書陸光祖孫灝故山東參政譚昌言子貞知並陰  
入監

前漕運戶部尚書郭尚友戶部尚書郭允厚俱聽議前山西  
巡撫牟志夔御史游鳳翔周維持太僕少卿陳殷俱免以戶  
科給事中陳良訓論其黨逆

建犯黃泥窪袁崇煥令搃兵官祖大壽擊卻之斬一百八  
十級獲騾馬一百二十匹

辛亥周之謙為太常卿

國權 崇禎元年



壬子編脩吳孔嘉削籍編脩微時故怨族人吳養春及登第  
因其逃僕許奏起黃山之案傾陷數百家

御史張汝懋劉徽免

甲寅司禮太監胡承詔李協守南京

乙卯御史饒京劾張維樞

山西陽和衛地震決日不止

是月福建盜竊發劫會昌蔓干上杭武平

九月戊午朔故吏部郎中夏嘉遇贈太常卿故吏科給事中侯

震暘贈太常少卿

庚申諭吏部嚴糾貪墨慎選撫按

辛酉段國章張振彥俱太常少卿提督四夷館劉大受姚應

嘉俱太僕少卿添註

故巡撫雲南李材贈右都御史


御史吳玉泰惠安伯張慶臻賄兵部尚書王在晉閣臣劉鴻

訓及中書舍人田嘉璧改勅

癸亥協理京營兵部尚書呂純如免

甲子南右都御史閔洪學罷


丁卯夜京師地震



戊辰右副都御史許可徵削籍

己巳誠科道官曰朕宏開言路日御文華發奸指佞之疏朝  
上夕下乃沽譽營私者未盡無人薦舉市恩糾奏鮮實初閱  
封章侃然忠謹及朕詰問諉之風聞至不辨忠邪槩行論劾  
使大臣不安其位誰與共理非朕虛懷樂諫推誠茹納之初  
意今後務捐積習秉公忠條奏必鑿、可行彈劾必事、有  
據使居言路者誠無錯雜之是非豈患司官守者尚有混淆  
之名實治亂在茲各宜密飭  
解學龍劉先春為戶工科都給事中

辛未召廷臣及督師王象乾于平臺問象乾方略對曰揅漢  
大酋虎墩兔憨與順義王卜石兔哈喇慎白黃台吉俱元小  
王子之後卜哈二酋俱揅漢分部歲貢自黃台吉與揅漢關  
揅漢不貢隆慶庚午俺答受封開市卜哈部夷屢掠之去歲  
卜石兔西走哈喇慎被擄白台吉僅身免東投建、其弟跌  
各兔等不欲也白台吉媿死哈部今其人無几孛顏衛夷三  
十六家今日亦當聯絡與哈喇慎可得三萬人諸夷惟永邵  
卜最強約三十餘萬人若合卜石兔之兵可禦揅漢 上曰  
揅漢意不受撫何對曰當從容籠絡 上曰如不款何象乾



密奏語不盡聞也。上善之命往與袁崇煥共計象乾請發  
撫賞銀五萬。

甲戌工科給事中顏繼祖言海盜鄭芝龍既降其當責其報  
效今後切勿用閩人從之。

貴州分守貴寧道左布政使胡平表進太僕寺卿。

命錄囚吏部尚書王永光主讞

故 魏時亮贈太子少保廕子入監


丁丑故太僕少卿周朝瑞贈大理卿

戊寅董承業為太常少卿添註

御史毛羽健劾刑部員外郎楊維松吏部郎中蔡奕琛邪黨  
已外顏繼祖言正供之挪借宜定犯贓之追法宜捷有司之  
協濟宜力鄉紳之捐助宜均援納之方便宜行濫觴之生祠  
宜變贅龐之公署宜除士民之義舉宜勸從之其正供挪借  
監生加納俱不行

御史方大任言人心風俗惟 皇上首為磨礪 上是之

庚辰諭象王乾曰前平臺召對卿奏昔年款 合彙顏三十  
六家布懃鬼八大首費七萬金歲兩市今當倍之至三十六  
萬卿可傳示袁崇煥督撫喻安性確查入告。



命會極門申刻後毋入奏其軍情不論

辛巳予故右僉都御史唐順之謚

壬午大雷雹

癸未兵部郎中余大成調外

乙酉予故兵部左侍郎李楠祭墓楠嘗撫陝西有墨聲至估糞價咸寧知縣張允登面折之以允登清執得民忍而啣之

丙戌故

潘應龍贈太僕卿廕子入監


裁登萊巡撫罷孫國楨

丁亥謫巡城御史鄒毓祚以擅逮人也

揄漢虎墩兔懸與卜石兔永邵卜戰私卜五榜什妻敗走都令色令宰生合托氣喇嘛追殺祆夷都司吉能兵馬之半又屯延寧塞外窮兵追卜石兔而佯請款于督師初請款七萬今倍濫不敢以聞

旌都城孝女劉氏蓋劉蘭閨女事母張氏不嫁年四十六母八月沒遂絕粒死之巡視東城御史曹暹以聞

十月己丑召廷臣于文華殿以錦州軍譁袁崇煥請餉疏示閣閣臣臣求允發上責戶部畢自尚書嚴又曰崇煥前云汰兵減額今何仍之乎兵部尚書王在晉曰減汰當于來歲閣



臣請發三十萬金禮部右侍郎周延儒曰關門昔防胡今且防兵前寧遠譁即餉之又錦州烏各邊尤而效之未知其極上問延儒若何對曰臣非阻發餉今雖予之當益求經久之策上稱善又責科道官言事失實即召對商確徒具文焉諸臣俱媿謝

許太僕卿郭興言終養


庚寅右諭德陳子壯詐父科給事中熙昌寃狀命錄用

辛卯補李遇知許世蓋張鵬雲馬思理給事中遇知吏科世蓋戶科鵬雲禮科思理兵科

南御史陳必謙述前被陷始末及同官王允成黃公輔劉之鳳涂之業萬言揚等有旨一官止薦一人毋贅  
申諭邊臣

丙申續考選黃紹杰顏光祖為給事中劉士楨劉學周毛九華楊通 辛金鉉崔應登袁耀杰張嗣榮為試御史等金鉉等南京

丁酉魏學濂訟父吏科都給事中大中寃及兄學泐死孝狀又血書阮大鍼傳櫬之傳 上命學泐附父祠贈大中太常卿制曰夫光岳凝翕是生忠義之臣天地晦蒙彌表艱貞之






節如劉陶墮貞北寺楊震殉烈西亭並以禍極一時聲流千載爾魏大中其生有自視死如歸原其至清絕塵大剛制物可以貪蝨蟬蚓肉視虎狼故累百知一鵬鷄之可尊嫉邪如神羊之必觸爰自輜軒之使陟于瑣闥之班游歷清垣旋臻天掖銳心平治極論興衰節足相宣夔惟坐別時謂司隸陽球之既陟此輩安容假使銅鍍伯華而無死天下其定而會以相分公媪當蔡京童貫之時士元君宗開竇武陳蕃之禍惟爾壇帷逾峻尤為繒繳所先貝錦一成雉羅遂及詔求鉤黨獄署同文膺滂碎首于黃門喬固暴尸于城北三光黯沒

海水群飛當此之時亦云極矣今者世灰大滌天宇重晶朕是用彰闡幽忠崇敷顯秩震雷一夕已躋元祐之碑解澤重泉大表比干之墓特追贈爾為太常卿以爾臣忠彰為子孝泃濂之義生死同揆卞壺誠竒王裒可念嗚呼位于箕尾識歸天傳說之星炳彼丹星寶入地長弘之血

戊戌 上御文華殿以御史李懋芳疏兵餉示閣臣李標曰錢糧內外互相覺察外解并責成司府議甚善命戶部尚書畢自嚴覈新舊賦額詳奏又出御史李長春論吏部積弊及革項首充餉閣臣稱善又命御史吳玉讀前劾王在晉失事



匿不報又劉鴻訓擅改張慶臻勅書等疏李標請放歸在晉  
上曰事當有是非何輕去之也因問惠安伯張慶臻行賄總  
理京營改勅事閣臣謝不知上曰卿等先奏請兵部及慶  
臻有揭帖何言不知也隨問慶臻慶臻諉中書改勅上叱  
曰勅豈可妄增問之各臣俱謝不知兵科給事中張鼎延曰  
慶臻果行賄改勅上問閣臣誰增者閣臣猶未受上閱  
兵部揭帖則劉鴻訓批西房字蓋勅書俱舊稿鴻訓自添入  
也立命閣臣擬票又命吏部會推閣員以聞  
起唐世濟兵部左侍郎熊明遇程正己右侍郎世濟正己添

註黃龍光為太僕卿方孔昭為兵部職方司郎中


起李養正南刑部尚書陳于廷南右都御史劉澤深右副都  
御史巡撫南贛汀漳

己亥故禮部左侍郎周炳謨贈禮部尚書廕中書舍人予祭  
墓謚文簡

兵科給事中熊奮渭御史吳玉謫外前召對奮渭私語上  
聞而責之

壬寅山東右布政使王化時辭光祿卿以河工不聽

甲辰起甄淑太常少卿



上諭停刑

丙午沐天波嗣黔國公

丁未左春坊劉宇亮予告

戊申兵部尚書王在晉免大學士劉鴻訓伏罪削籍及職方

郎中苗思順俱論死改戊代州中書舍人田佳璧論死

戶科給事中韓一良罷

庚戌南御史陳必謙言前山西道御史劉弘光福建道御史

汪若極陝西道御史門克新俱媚奸害政章下部議

乙卯漢南盜四百餘人自咸陽兩當薄略陽勾土賊三千餘

人入略陽徧漢中官兵追至寧羗階州後復還趨略陽拒戰  
執閩南道中軍王道成以追急棄之

丙辰戶部左侍郎王家禎總兵官朱梅巡撫遼東 並

落職


十一月庚申吏部會推閣員吏部左侍郎成基命禮部右侍郎

錢謙益 鄭以偉尚書李騰芳孫慎行何如寵薛三省盛

以弘禮部右侍郎羅喻義吏部尚書王永光左都御史曹于


汴尋禮部尚書温體仁御錢謙益許其天啟初主試浙江賄

中錢千秋不宜枚卜



戶科給事中黃承昊言鹽政八事曰給商庫價宜額設先朝  
商人中鹽即赴場支鹽自灶丁困邊商久候于是內商買邊  
鈔水商行鹽而邊商苦絕塞非隨到隨售能無怨望隆慶二  
年都御史龐尚鵬以邊商羈候許賚送運司給價令內商如  
官價承買暫留銀二十萬備用後遵行之稍改先給二錢五  
分餘聽內商互易後內監劉文耀搜括以餽逆璫庫價不給  
而奸商投崔魏之門留正綱之鹽超行浮課蓋新引貴而舊  
引賤也今庫價僅七萬餘金乞暫留挪用曰禁私販曰銷舊  
引往年運司袁世振減鹽斤每包止四百三十斤兼行舊引

銷盡仍舊五百餘斤今宜四百三十金為準曰草商弊每引  
美價五分非 祖宗二斗五升之舊又加雜費安得不困乞  
令內商交易立限禁其短價曰罷加派 祖制灶丁歲辦七  
十五萬五千餘引邊商納粟五斗五升赴場支鹽二百五十斤  
為引自鹽法沮壞先臣秦鉞創餘鹽之法每正引帶餘鹽共  
五百五十斤為包行之久矣後鹽斤消折于是每引折價二  
錢給邊商令自買鹽後若久候將折價及倉鈔併與內商其  
後以折價輸部抵虧課之額不復給商近引四百三十斤盡  
買補之餘鹽而 祖宗正鹽無存矣今大工加派數萬金工




畢宜蠲曰寬邊粟斗斛曰行邊腹屯田曰議兩淮之粟益疏  
入 上納之

癸亥召廷臣及溫體仁錢謙益于文華殿體謙益相質辨仁  
良久 上曰體仁所參神奸結黨誰也謙益黨甚衆臣不敢  
盡臣即枚卜盡謙益主持吏科給事中章允儒曰體仁資深  
望輕如糾謙益何不先于枚卜也體仁曰前則冷局今卜相  
為 皇上慎用人允儒曰黨之說小人以陷君子天啟朝已  
可鑒 上叱之遂下錦衣衛而禮部以錢千秋試卷呈 上  
責謙益引罪而出立命廷議閣臣請謙益回籍下千秋刑部

御史房可壯乞如閣臣言 上曰君前臣名何銜之稱遂停  
枚卜李標錢龍錫固請 上切責諸臣禮部右侍郎周延儒  
曰自來會推會議並故套僅一二人主持餘無所言即言出  
而禍隨之 上大稱善


夏允彝曰枚卜一事錢謙益必欲首推而慮周延儒方以  
召對得 上意懼同推勢必用周力抗而止之不知 上  
果意在用周不推適啟 上疑耳安能力止耶于是黨同  
之疑中于 上者愈深溫體仁發難而周為之助或云內  
庭已有為之應者共費金八萬官府同聲以排東林而謙



益輩揚之不知也倏蒙召對謙益自知以為枚卜定于此  
日矣及入朝方知溫疏溫與錢廷辨溫言如湧泉而錢頗  
訕因事出于意外也先是錢與韓敬為仇韓因浙人錢欲  
典試浙中文震益曾諷止之錢不之納及應召北上文又  
勸以緩之枚卜而錢又不納其科場一事實寃而誣以為  
非此不能扼之觀錢立身本末原不足用而溫已首發難  
端與滿朝為仇勢不得不自結于上前救一人爭一事  
上彌信其公忠而天下元氣凋盡殘矣其操守亦能自勵  
故上始終敬信之然與盧杞之清忠強介固其倫也周

再出頗反溫之所為而操守濫甚敗壞國事正在此兩人  
而實過激以致此遂致天下左衽痛哉

倪无璐曰自神祖中葉以來三四十一年之間朝宇之局  
則已三變其始天子靜攝聽君子小人之自戰而不為之  
理所謂鼠鬪穴中將勇者勝耳故其時君子時勝時敗然  
君子雖或不勝而其助亦不衰也其既兇寺擅權小人處  
必勝之地君子即亦戰心搏志而甘處不勝不敢復言戰  
小人亦不曰戰直曰禽馘之耳然其時君子雖嬰禍患其  
心愈益喜曰吾君子也其後魁柄已振握照明法君子小



人皆怵然不敢窮戰而陰制以謀故其時氣戰者敗謀戰者勝謀陽者敗謀陰者勝凡明主所鈿鍵以繩貪人宵類者小人皆借之以弄君子其君子既禍敗即無可自解曰吾君子其小人亦不靳歸名君子而但使其無救于禍敗又可曰非我也法也是故君子之不幸無甚于此時者矣

乙丑吏科給事中章允儒削籍

辛未召寧陽侯陳光裕襄城伯李守錡清平伯吳遵周誠意伯劉孔昭于文華殿問京營整理何若各有對 上即用守錡提督京營

會推閣員失當河南道御史房可壯謫外

甲戌白水縣盜王子順等合東來迹兵偽賈服掠蒲城韓之孝童淄川鎮時承平久猝被兵人無固志巡撫陝西胡廷宴庸耄惡聞盜狀各縣報者曰飢民也掠至明春後自定矣于是各縣不以聞盜偵知之益恣劫宜君縣獄走首當溝通白水縣役楊發蒲城王高等購邊盜王嘉亂等五六千人分三路掠鄜州延安初西安慶陽延安有山綿亘曰黃龍山易藪盜萬歷戊午春秦府長史 奏關中多盜白蓮無為教盛行妖書邪術煽惑人民宜下有司逐捕解散 上不聽是



年飢王嘉亂倡亂王子順苗美馬惟鶴李自成等流劫于宜  
洛間屯清澗卧龍寺司衛事者利其財捕王苗妻子殺于小  
城塲賊憤甚鄰延村落成墟李自成者米脂縣雙泉里人初  
應駙卒便狂逞稍行劫邑令晏子賓廉得其狀曰及今不剪  
終成滔天之惡煩朝廷兵甲也于是杖自成械遊于市至是  
與同邑張獻忠作亂

癸酉故

張鯉贈太僕少卿

甲戌楊麒為都督僉事提兵官鎮守保定  
逮前刑部尚書薛貞

丙子張澄為太僕卿喬承詔為少卿添註

丁丑呂維祺為太常少卿添註

戊寅故刑部尚書王紀贈太子太保廕子入監

庚辰戶部尚書畢自嚴戶部左侍郎王家禎削籍以靳

下獄

餉邊兵再詳

裁豐城侯李承祚侯爵

辛巳張慎行言以御史為太常少卿添註


壬午楊一鵬為大理右寺丞

癸未 上南郊

國權

崇禎元年

全





故

吳國章贈太常少卿

援遣摠兵官毛文龍告病不允

十二月丁亥朔左副都御史賈毓祥疾免

己丑大學士韓爌入朝

曹珍為戶部右侍郎楊鶴為左副都御史徐良彥為南大理

寺卿劉宗周為順天府尹


庚寅故大理寺卿沈應文贈太子太保廕監

禮科給事中閔可陞勅大學士周道登

辛卯命嚴私監

壬辰故左都御史鄒元標贈太子太保吏部尚書予祭葬立  
祠謚忠介

陳子龍曰鄒公歷三朝垂五十載始終一節天下觀其進  
退以為治亂雖位登九列立朝不滿數歲何用之難而舍  
之易也方其為言官吏部則以崇大體敦吏治寬民力為  
本至 熹宗時天下多事公為大臣則勸以勤學遠佞拔  
不羈之才收度外之士若其推賢讓能自少至老孜孜不  
倦蓋忠愛之至固時所急期有益于國此豈迂遠難行翹  
君以自為名者哉



加封河神靈應英濟侯

甲午李騰芳仍禮部尚書

乙未禮部右侍郎錢謙益除名逮錢千秋

丁酉太僕寺 李思誠疾去

戊戌故 張孫繩贈工部右侍郎廕子入監

己亥官兵剿福建上杭武平盜大敗之明年二月平

癸卯解學龍為太僕卿房可壯為尚寶司少卿

陳洪範仍原官總兵官鎮守居庸關昌平等處

甲辰胡尚英為南祭酒劉鍾英為南吏部右侍郎加服俸一

級左諭德吳士元為南左春坊左庶子署翰林院事

乙巳傳陞陸完學兵部右侍郎協理京營

己酉 劉朴贈太僕卿

許成名為總都督僉事總兵官鎮守貴州胡說義為都督僉  
事總兵官鎮守新添偏橋

庚戌固原飢軍民數百人劫州庫掠市捕斬三十二人總督

陝西武之望以聞總兵錢高諭解之


命提學官磨勘解部試卷

壬子夜月食

國權

崇禎元年

八



故提督操江南右僉都御史劉志選故太僕卿梁夢環論死  
御史李嵩劾國子司業陳盟戶科給事中張維一天啟丁卯  
主試浙江試題魏之乎惟天為大惟堯則之魏與魏同形以  
媚璫也


御史吳姓言京察在即恐遺奸未盡借察以掩其奸若輩非  
考功之法所載也如搖動國母偏封三王曰佐逆門戶封疆  
借題殺人曰害正建祠聚斂要典詆誣曰媚璫矯旨加銜一  
歲九遷曰速化此輩若混入察典非平法之平宜命部院科  
道彙叙前罪職名各註事實于察前合疏請旨特賜處分其

職業不脩考察如例從之

錦衣衛都督李不矜鄭士毅互訐免

順義王卜石兔私通建

癸丑周順昌子茂蘭訟寃 上是之以故巡撫毛一鷺媚璫  
建祠當追論今已沒不必再求血書原非奏體後悉禁時贈  
順昌太常寺卿制曰夫淑情之所獨抗得死而成正氣之所  
不徂造生彌永所以屈原嫉俗轉快志于懷沙長弘隕身遂  
飛華于化碧資其扶世寵以教忠爾吏部文選員外郎周順  
昌希聖得清擇節取苦伍差絳灌哭是賈生之才兒命融脩



罵亦彌衡之氣當其出為從事入典銓衡並以晶心章其茂  
節會當龍亢馴致虫疥時則指鹿之惡游于望夷出羸之威  
極于北寺來周羅吉箱網四張喬固膺滂楛鈇相結焚原盪  
岳不可邇親固有懼禍之夫閉門而拒岑眚知幾之士築室  
以擬袁閔而爾獨特虎執擾冰湯席護班荆悲咽尊酒豪據  
俠亢左儒義儕鄒浩捐爰息以狗彘擊本有荆軻湛族之心  
不止卻成分宅之德于是飛章告密檻車下徵而衆乃成城  
吳凡為沼于至焚香進食以禮遇囚飛甍投竿而殺詔使魚  
驚獸亂釜沸波翻詎止廣漢被收吏民守闕鮑宣下獄生徒

聚幡而已哉然而磯激難平虎騎不下卒不得以脫罹于凶  
而爾對簿不屈絕命彌雄雖復漢尉啣鬚唐臣嚼齒未有並  
其慷慨儷此從容者矣今換軸旣旋哀鉞並設碑踏元祐大  
升公正之群墓顯湯陰恍見孤忠之氣用贈爾太常寺卿國  
家謹嚴近寺培養人才而在旁之奸烈于二正歲寒之節見  
彼前賢要以道極一時義激天下明興以來一人而已嗚呼  
舉聖人之中寧存狂狷睹忠義之報彌媿奸回


是月誅巡撫大同張翼明提兵官渠家禎謂舊提督張曉非  
所駐城議戍

新平堡叅將方裕昆委咎土人僅免官

國權


崇禎元年

全




御史陳乾陽叅李永貞劉若愚事波及趙鴻陽有旨逮之  
前戶部右侍郎許維新卒字周翰山東崇邑人萬歷己丑進  
士知澤州進刑部郎中出知寧國改松江府旋進河南按察  
副使歷尚寶司卿調南京遂家居八年 光宗初改兵部職  
方郎中尋進右通政光祿寺卿乞休加戶部右侍郎致仕予  
祭葬贈右都御史






國家圖書館, NATIONAL CENTRAL LIBRARY, TAIWAN, R.O.C.





國家圖書館, NATIONAL CENTRAL LIBRARY, TAIWAN, R.O.C.



TIFFEN Color Control Patches

© The Tiffen Company, 2007

Blue Cyan Green Yellow Red Magenta White 3/Color Black




















國家圖書館, NATIONAL CENTRAL LIBRARY, TAIWAN, R.O.C.







國家圖書館, NATIONAL CENTRAL LIBRARY, TAIWAN, R.O.C.



TIFFEN Color Control Patches

© The Tiffen Company, 2007

Blue Cyan Green Yellow Red Magenta White 3/Color Black








3393435 v. 52

國家圖書館, NATIONAL CENTRAL LIBRARY, TAIWAN, R.O.C.





國權

崇禎二年己巳

正月丁巳朔上御皇極殿受朝賀

建渡河官軍拒之時西魏建之餉

壬戌撫治鄖陽右僉都御史梁應澤以漢南盜告急請兵時

撫標止步兵三百人

刑科都給事中薛國觀等奏陝西巡撫胡廷宴延綏巡撫岳

和聲報洛川淳化三水略陽清水成縣韓城宜君中部石泉

國權


崇禎二年

一

監官設遷孺木著



國家圖書館, NATIONAL CENTRAL LIBRARY, TAIWAN, R.O.C.



宜川綏德葭耀靜寧潼關陽平閩金鎖關等處流賊恣掠  
先是喬應甲撫奏置盜劫不問實釀其禍今弭盜之方在整  
飭吏治有先事隄防之法有臨事剪滅之法有後事懲戒之  
法 上是之

巡撫延綏岳和聲檄商雜道副使劉應遇剿白水盜

已巳固原逃兵掠涇陽

丙子 上幸太學釋奠御彛倫堂祭酒孔貞運講大禹謨司  
業倪嘉善講易泰卦大象 上善之監生江旭奇角道進孝

經疏義

孔貞運曰臣祖孔戣孔穎達俱為先朝祭朝酒迨我 太

祖御極前祭酒孔克堅來朝特為遣祀而穎達當唐貞觀

臨雍時講孝經有釋奠頌著行于世迄今猶豔稱之臣以

六十三代孫忝竊同于列祖實慙家學時自行聖公以及


族人外又有給諫孔聞詩大行孔聞籍皆以孫子秩在

列 明德之後用賓于王不可謂非千載一時也

裁光祿太常寺庖人及兩殿中書舍人月廩

逃兵掠富平

庚辰召大學士韓爌李標錢龍錫吏部尚書王永光定逆案





甲申召廷臣于文華殿先是御史毛九華劾溫體仁有媚祠  
詩刊本 上問體仁謂錢謙益造陷又出御史任贊化奏體  
仁疏其疏褻 上責朝廷挾私攻訐後必正法尋謫贊化  
乙酉迺兵復掠涇陽執游擊李英  
故山東布政使左叅政嘉興譚昌言予祭塋贈太僕卿


二月丁亥朔 皇長子慈烺生皇后周氏出

設遷曰李延壽南史云前代人君即位後皇后生太子惟  
殷帝乙生紂宋文帝生逆邵馬並非今終我朝 孝廟生  
武宗今又見之 武宗即有愾德不隕其祚痛哉季末禍

同殷宋史語為不誣也

御史吳姓言因溫體仁前削章允儒降房可壯瞿式耜今又  
斥任贊化班行削色似非美事乞因新慶召還言官不聽

刑科給事中張國維言冢臣王永光表率未正大同失事輒  
援下貢加銜督臣則封疆之法壞貢塗馬斯作添註刑曹則  
添註之法壞匪人濫推則久任之法壞諸奸何等重起李養  
正司馬何官漫推崔景榮則會推之法壞媚案討前部覆輒  
輒敢弁髦則考功之法壞尤可異者霍維華之九頌津列  
于未領何敢于欺 皇上以欺天下也曲庇香火借為已地



路人知之矣夫一媚足以累生平十壞何以持銓政

甲午刑科給事中劉懋請裁定驛站有旨驛遞原為奏報解  
送奉差及大臣以禮致仕與奉旨馳傳者方應付近濫給不  
遵致驛遞困敝今改劉懋兵科專管驛遞務節省歲例兵部  
確定几項應付允勘合火牌出兵部者准給發銷注有犯重  
治仍設法查核不時糾奏年終撫按類報各驛應付之數于  
部科如節省若干即減編額派工食以蘇民力  
李邦華為工部尚書仍協理京營  
贈趙南星太子太保

乙未楊鶴為右都御史總督陝西三邊軍務張潑為右副都

御史巡撫河南

召刑部尚書喬允升忝定逆案

辛丑吏部內計京官


壬寅巡撫宣府李養冲疾去

督師王象晉言款 撫賞有旨聞外事不中制酌畫具奏定

奪卿自有籌略何待會議三鎮額賞該部即與續發又諭兵

部曰制勝在我不得一任要挾有失國體爾部與邊臣議之

詔曰朕惟帝王膺天眷而奉宗祧首重元儲尤隆世嫡朕以




眇躬嗣朕丕基夙夜祇念我皇祖皇考集慶發祥源深緒  
遠佇昌嗣續仰慰貽謀茲荷上帝居歆宗祊垂祐今二月二  
十四日第一子生皇后周氏出中闈開冢嫡之先萬國協元  
良之祝肆頒渥澤覃被多方所有恩條臚列于後云嗚呼  
震祥肇毓坤元贊乾始以凝庥渙號洪宣解澤麗巽申而布  
命誕告中外咸使聞知

乙巳頒詔編修陳仁錫中書舍人弓省矩往遼東侍講朱之  
俊行人姜應甲往浙江南京侍講許士柔禮部主事閔心鏡  
往江南侍講王錫衮中書舍人劉守揚往雲南貴州禮科給

事中仇維楨禮部主事王宗昌往河南工科給事中劉安行  
禮部主事何閔中往湖廣禮部員外郎劉夢潮中書舍人吳  
襄往蘇松常鎮行人李世祺郭都賢往畿內山西行人譚性  
學江桂往四川陝西行人李日登郭維經往江西福建中書  
舍人李日燁陳之翰往兩廣行人郭建邦李一獻往山東  
郭邦棟為左軍都督府僉書

閣臣上逆案

丙午錦衣衛帶俸右都督周奎封嘉定伯歲祿千石  
海盜李魁奇伏誅魁奇本鄭芝龍同黨芝龍忌之入犯中左





所巡撫熊文燦詒以撫擊斬粵中

己酉禮科給事中葉有聲為浙江按察副使楊文岳為江西  
布政使叅政御史劉有源江昂鐘王大年為山東福建江西  
叅政晏春鳴王際遠為山西浙江副使吏部郎中邵捷春為  
四川叅政

庚戌郭之琮為右僉都御史巡撫宣府

李成名錢春為戶部左右侍郎


傳制封各藩

命督餉部院及屯田御史清丈天津口視課入為功罪設同

知專責

辛亥吏科給事中沈維炳拾遺命巡撫浙江張延登留用陳  
王庭調南京呂純如蔣一驄潘士良勒致仕王之臣閑住巡  
撫四川田仰已有旨  
御史蔣允儀拾遺有旨李棲鳳着在籍調用王大臣智調南  
京吳弘業勒致仕安伸閑住楊嗣修勘明議處

壬子召閣臣及刑部尚書喬允升左都御史曹于汴于平臺  
問張瑞圖來宗道何不在逆案閣臣云無事 上曰瑞圖善  
書為瑞所愛宗道祭崔呈秀母文稱在天之靈其罪著矣問



賈繼春何以不處閣臣言其請善侍選侍不失厚道後雖改  
口覺反覆其持論亦多可取 上曰惟反覆故真小人于是  
發原奏并前紅本未入各官六十九人令各酌定于是案列  
甚廣几無一遺


癸丑左春坊左庶子兼侍讀莊際昌字景說江西晉江人  
萬歷己未進士禮闈廷試俱第一以制策誤一字見齟齬予  
告天啟初授脩撰以忤璫削奪崇禎初復秩歷今官年五十  
二先治生壙  
總督陝西三邊兵部右侍郎武之望卒

陝西商洛道副使劉應遇率毛兵入漢中合四川副使吳國  
輔之兵敗賊略陽賊屯恒口計散其脅從練兵兵守脩黃元  
極擊賊馬蹶被殺猶手殺賊不置也賊走漢陰應遇令都司  
解文英同吳國輔李標奇等追至大石川屢攻之又夜劫其  
營擒斬五百餘誅渠魁數十人餘三百人走蜀其匿漢陰山  
中者並自殺漢南盜平  
三月丁巳朔巡撫雲南謝在仁自陳罷

命外夷乞恩通政司毋上

彙顏三衛及建下大飢三衛夷平入于建下東不的求督師

國權 崇禎元年



袁崇煥開羅于前屯之南臺堡市我貂參邊臣俱不可獨崇  
煥許之蓋東不的為建 害米謀犯薊西雖有謀報崇煥不  
為信。

戊午宋裕本湯國祚為後軍都督府僉書張懋 萬邦字為  
錦衣衛僉書邦字南鎮撫司

己巳華州妖人張南峰偕修華山廟構黨謀逆國號大侯永  
豐改金斗元年軍師苗光臣餘皆照品銅印約三月戊寅起  
兵勾州人田學孟詐巡撫劉廣生下長安知縣孫雲杰捕  
獲之。

庚午高勳為南左軍都督府僉書兼提督池河浦口二營

周士朴為太常卿

命禮部禱雨

裁工部添注司官


命都給事中闕論俸序陞轉

兵部左侍郎唐世濟罷

進韓爌太傅廕中書舍人李標錢龍錫並太子太保文淵閣

大學士廕監以皇子恩

前府帶俸左都督楊國棟由遊擊陞山海關副總兵轉登萊




摠兵逆魏祠于皇城島進南京右軍都督府僉書特留任進  
都督同知右都督轉左廕錦衣衛指揮僉事先巡關御史王  
會圖劾之至是直隸巡按御史方大任劾其貪橫  
御史劉士楨請脩賦役全書

辛未閣臣上欽定逆案

南京署吏部尚書鄭三俊等論計典屆期附璫諸奸或未叅  
革猶榮畫錦謹一一臚列上聞前大理右寺丞謝啟光附馮  
銓投逆幕摠裁偽史棘丞兩年倭躋九列前吏科給事中郭  
如閻等邊頌璫前河南道御史何早喜壬憎良惡好拂性私

張聚垣虞大復薦馮威明游鳳翔前浙江道御史李時馨加  
毒楊漣侵屯苛罰前河南道御史夏敬承倡拜偽祠諛詞滿  
紙前山東道御史劉美四川道御史徐復陽前戶部郎中魏  
豸胡芳桂見任南戶部郎中張聚垣前禮部郎中虞大復羅  
鵬葉天陞前兵部郎中周宇見任兵部郎中李際明主事郎  
存性前工部郎中魏孔政葛大同歐陽充材前江寧知縣今  
南工部主事夏之昂以上皆媚璫確有據乞照例處分  
戶部主事劉鼎卿叅尚書張我續原領帑金四十五萬未濟  
贖銀十二萬未結因進其當日會課一冊




四川道御史梁子璠言屯田第一急務乞專官總理今遼東之屯督師袁崇煥身任之又戶部尚書畢自嚴委屯天津此外如登萊山陝鳳淮田地雖荒各省直皆當請復開糧種乞勅各撫按及守令任之

壬申南戶部尚書署吏部事鄭三俊主計降斥六十五人

兵科給事中馬思理乞比試應襲官舍如國初例報聞


乙亥諭曰監逆魏忠賢猥狡下材備負給使傾回巧智黨籍保阿初不過窺嘖笑以市陰陽席寵靈而饜富貴使庶位莫假其羽翼何蠢爾得肆其毒痛乃一時外廷朋奸誤國實繁

有徒或締好宗盟或呈身入幕或陰謀指授肆羅織以屠善良或秘策合圖扼利權而莞兵柄甚且廣興祠頌明効首功倡和已極于三封稱謂寢疑于亡等誰成逆節致長燎原及朕大寶嗣登嚴綸屢霽元兇逆孽次第芟除尚有飾罪邀功倒身竄正以望氣占風之面目誇發奸指佞之風封章跡其矯誣烏容錯貸朕鑒察既審特命內閣部院六臣列擁戴諂附建祠稱頌贊導諸款據律推情再三訂擬首正奸逆之案麗于五刑稍寬脇從之誅及茲三褫其情罪輕減者另疏處分此外原心宥過即有漏遺亦赦不問其案自魏忠賢客氏




磔死外曰首逆同謀六人兵部尚書崔呈秀寧國公魏良卿  
錦衣衛都指揮使侯國興太監李永貞李朝欽劉若愚俱謀  
大逆減等擬斬曰結交近侍十九人提督南京操江劉志選  
太僕卿梁夢環倪文煥兵部尚書田吉薊遼總督兵部尚書  
劉詔太僕少卿孫如洌曹欽程大理寺副許志吉刑部尚書  
薛貞工部尚書吳淳夫右副都御史李夔龍豐城侯李承祚  
監生陸萬齡左都督田爾耕許顯純都督同知崔應元張體  
乾右都督孫雲鶴楊寰俱諛附秋決曰結交近侍次等十一  
人大學士魏廣徵工部尚書徐大化吏部尚書周應秋兵部

尚書霍維華御史張訥總督尚書閻鳴泰太僕少卿李魯生  
右副都御史楊維垣南兵部右侍郎潘汝楨昌平都督郭欽  
孝陵太監李之才俱遣戍曰逆孽軍犯三十五人東平侯魏  
志德東安侯魏良棟安平伯魏鵬翼尚寶司卿魏撫民都督  
魏希孔都督同知魏希舜希堯都督魏希孟魏鵬程傅應星  
楊六奇錦衣衛指揮楊文昌胤昌祚昌都督同知客光先錦  
衣衛千戶馮繼先都指揮使傅之琮都督僉事董芳名指揮  
僉事崔鐘太監徐應元劉應坤王朝輔涂文輔孫進王國泰  
石元雅司雲禮高欽王朝用葛九思趙秉彛陶文紀用李應




江胡明左曰謫附擁戴軍犯十五人內監李實李希哲胡良  
輔崔文昇李明道劉敬徐進馮玉楊朝益鎮寶劉鎮王體乾  
梁棟張守成商成德曰結交近侍又次等百二十八人俱配  
贖大學士馮銓顧秉謙張瑞圖來宗道戶部尚書郭允厚工  
部尚書薛鳳翔太僕少卿李蕃工部尚書孫杰戶部尚書張  
我續巡撫延綏朱童蒙工部尚書楊夢家右都御史李春茂  
兵部尚書李春煒邵輔忠吏部尚書王紹徽刑部尚書徐兆  
魁工部尚書劉廷元兵部右侍郎謝啟光戶部左侍郎徐兆  
紹吉右副都御史楊所脩右僉都御史賈繼春南戶部尚書

范濟世工部尚書李養德光祿卿阮大鍼巡撫湖廣姚宗文  
刑部左侍郎陳九疇巡撫河南开詩教太常少卿趙興邦傅  
樾太常卿安伸巡撫登萊孫國楨兵部左侍郎郭鞏兵部尚  
書馮嘉會左都御史曹思誠禮部尚書孟紹虞南戶部尚書  
張朴禮科給事中李恒茂漕運戶部尚書李精白兵部尚書  
秦士文太僕卿張太文熙右副都御史楊惟和御史何廷樞  
陳朝輔卓邁盧承欽石三畏劉薇吏部右侍郎許宗禮太常  
少卿陳爾翼右副都御史郭興治太僕少卿智鋌工部左侍  
郎何宗聖太僕少卿王缺汪若極右副都御史陳維新御史



門克新游鳳翔田景新周維持徐復陽劉弘光溫臯謨鮑奇  
謨陳以端徐吉劉述祖李燦然劉之待兵部尚書呂純如尚  
寶司卿吳殿邦戶部尚書黃運泰倉場尚書李從心巡撫江  
西河南大同楊邦憲郭增光右都御史王點單明詡南工部  
右侍郎李嵩巡撫山西甘肅牟志夔張三傑南兵部左侍郎  
毛一鷺戶部尚書曹爾楨右都御史張文郁太僕少卿李應  
公黃憲卿許其孝汪裕龔萃肅李應薦何可及王大年曾國  
楨潘士聞右副都御史張素養南御史梁克順李時馨劉漢  
夏敬承太僕卿宋禎漢陳殿大理少卿余合中大理右寺丞

張汝懋右副都御史許可徵侍講孫之獬編修吳孔嘉檢討  
李若琳吏部主事李寓庸張元秀員外郎周良材中書舍人  
阮鼎鉉上林苑監丞張永祚戶部主事張化愚李桂芳官生  
張一經兵部郎中周宇南戶部郎中魏豸張聚垣監生郭希  
禹徽州知府頡鵬南兵部郎中李際明南工部郎中魏弘政  
通政使岳駿聲叅政郭士望河南叅政周錡永平道叅議辛  
思齊太僕卿徐四岳黃州知府胡芳桂曰祠頌照不謹例冠  
帶閑住四十四人大學士黃立極施鳳來楊景長吏部尚書  
房壯麗工部尚書董可威遼東督師王之臣禮部尚書李思






誠巡撫陝西胡廷宴喬應甲右都御史張九德左副都御史  
馮三元右副都御史陳維新工部郎中朱國盛通政使馮時  
行大理寺丞呂鵬雲尚寶司卿董懋中御史周昌晉楊春茂  
曹谷兵科給事中虞廷陞太僕少卿徐景濂陳保泰徐揚先  
右副都御史郭興言南通政使周維京戶科給事中陳序禮部  
主事朱慎鑒南吏科給事中郭如閻南御史何早江西叅政  
虞大復廣信知府南禮部郎中葉天陞南兵部主事郎  
存性袁州知府葛大同南工部郎中鳳陽知府歐陽充材江  
寧知縣工部主事夏之鼎刑部主事張九賢吏部郎中加太

僕少卿李宜培順天推官譚謙益順天府治中陞戶部員外  
郎潘舜歷武英殿中書舍人吳士傑中書舍人徐溶李三楚  
錦衣衛經歷童舜臣經歷陳守瓚

夏允彝曰欽定逆案其不安者如楊維垣首叅崔呈秀不  
宜入也以其力抗韓爌文震孟之出遂處以謫成虞廷陞  
曾忝孫居相耳至熹廟已賓天霍維華取其疏稿削去  
之矣竟據邸報亦入之此何等事而草羅入致彼處者  
屢思翻局持局者日費隄防糾纏不已至南都再建逆案  
翻而宗社墟矣此則當局者之咎也



設遷曰往振瑾之敗士類染污多矣而逆魏為劇虐迷京  
雒至投豺鋟鼎指不勝書無亦辱朝廷而羞當世之士哉  
聞閣議主于錢龍錫而姚希孟出龍錫之門効筆為多故  
姑蘇人獨不預雖羅入呂純如原非蘇人所歸也古人云  
受堯之誅不能稱堯彼曹子有次骨之怨其後龍錫中禍  
亦此案釀之矣

丙子流盜掠真寧

耀州官兵挫賊：不敢零掠團聚六七千人

戊寅流盜掠寧州安化三水

已卯逮順天巡撫王應豸以年餉激變巡按方大任論之


命戶部遣司官督催各省直遼餉

謫宣府西路失事官

程啟南為通政司使沈惟炳為太常卿蔣允儀呂維寧為太  
僕卿添注

程正已熊明遇為兵部左侍郎起魏允升兵部右侍郎明遇  
允升添設

徐光啟為太子賓客禮部左侍郎兼侍讀學士起侯恪為南  
祭酒



陸彥章為南刑部右侍郎蔡思充為南太常卿

張論為左副都御史巡撫四川提督軍務河南按察使王元雅為右副都御史整飭薊遼邊備兼巡撫順天王沆為右副都御史巡撫雲南建昌平節東川等處贊理軍務兼總督川貴兵餉

楊琪仍以原官為總兵官鎮守陝西


揀漢虎墩兔憨納款海盜鄭芝龍降

袁崇煥奏設東江餉司于寧遠令東江自覺華島轉餉禁登萊商船入海毛文龍累奏其不便崇煥不聽又請自往旅順

四議之

編修陳仁錫使遼東未出都報建<sub>下</sub>十五萬騎犯寧遠及抵關不見一騎入犯也問之曰往朝鮮矣抵高臺堡知東不的為揀漢買婦女為建<sub>下</sub>積穀寧遠武進士王振遠陳國威以門生見仁錫曰東不的居關外陽仇揀漢實昵之又建<sub>下</sub>姻也部落不滿萬駐寧遠關外者六七千人此地開市止二千人卒不及備可刺也夜半若往須令夜蓋建<sub>下</sub>哨在東不的內計四百餘人不挾弓矢揀漢遠在漠外馳救不及斬頭寢內監氣息矣此機會四月間四慈

先至秋冬諸王子幾



友入必舍遠而攻薊宣動天下之兵何益仁錫言于閔內道  
某雖壯之竟不果後建入犯之時之地俱如二生言

設遷曰秦飢晉閉之糴同好猶然况屬夷為異類狡計叵  
測而高臺堡之粟轉市塞外我輓輸之難車殆馬煩十致  
其五彼貂參無限而又無濟于急緩罄民脂以餌之為建  
玩弄于股掌之上誤國如此督師之肉其足食乎主陳  
二生謀刺束不的其畫甚奇亦傅介子刺樓蘭之意泥于  
庸臣彼中憫之儔曷足語度外事哉噫

四月丙戌朔流盜犯涇陽甘峪游擊高從龍擊之被殺戊子賊


### 走馬關山

時朝臣捐俸助餉上諭之曰諸心臣果真心為國興利除  
弊朝廷自受其益何必捐助

己丑內承運庫內官監太監車天祥提督南京織造

甲子固原盜復犯耀州督糧道叅政洪承疇合官兵鄉勇萬  
餘人分十二營圍賊于雲陽幾覆之乘夜雷雨潰圍走淳化  
入神道嶺追斬二百餘級

劉應遇以千人徧漢中盜于五丁峽寧羗知州陳元璣失防  
盜遁時守道翟師雍巡道許都皆懦甚惟尸位而已



逮宣府巡撫李養冲以侵帑至萬四千八百餘金八月瘦死  
丙申胡世賞為刑部左侍郎朱世守為刑部右侍郎  
禁各官考語四六

戊戌王業浩為右通政謝陞為太僕卿仍轄東路郝士膏為  
太常少卿

壬寅朱邦相襲五經博士

命張巡許遠配享武廟

南通政司右叅議張肇林求北轉命閑住

癸卯鄭宗周為太僕少卿轄京營呂維祺為太常卿兼少卿

提督四夷館

丙午命京學同民生廩貢不必另設

丁未裁河間府蘆政同知

嚴鑄私錢

孔貞運為詹事纂修實錄

戶部郎中王光賁放布花延綏降外


已酉吏部請清吏塗從之今後非三考歷滿及戶部實納不

許冒題

復顧憲成原官加贈吏部左侍郎

國權 崇禎二年

十九



孫元化為山東布政使叅政登萊道兵備

故 戴燦贈太常卿廕監

壬戌韓繼思為右副都御史邱士毅為南禮部右侍郎

陸完學為右副都御史巡撫浙江

庶吉士陳演為編修

壬子胡從義為署都督僉事總兵官鎮守保定尤世威以原

官總兵官鎮守居庸昌平

甲寅劉定國為光祿卿馮英為光祿寺卿兼少卿鄒維璉為

南右通政

乙卯倪元璐為南司業

故 文球贈兵部尚書故 金秉乾贈禮部

右侍郎

命釋輕囚

閏四月丙辰朔建 渡河官兵拒卻之

戊午議封琉球

張夢鯨為右副都御史巡撫延綏


命科道言事各列名款即單奏疏不得挾私瀆奏

御史梁子璠請重鄉賓從之

國權

崇禎二年

二十



已未督師王象乾報揀漢虎墩兔憨就款

熊明遇為南刑部尚書蕭毅中為太僕少卿兼光祿寺丞

辛酉前通政使魏時應卒

壬戌吏科都給事中陳良訓言三事曰調部宜禁刑名錢穀

皆王事也何必厭戶刑而禮兵之快曰撫按官題宜省曰察

處不宜捷補 上是之

停督撫摠兵官關行符驗

壬申召對記注官顧錫疇時 上諭朝廷以科道為耳目凡

要緊諸司令巡視查對果奉公節覈監督尚畏憚之何況吏

胥乃後先效尤澄刷何賴朕陰知有知故因上工疏逮究務

清夙弊以茲將來若大臣被誣自當剖臆控陳宣示史館

雲南道御史毛羽健論謝陞推薊撫即引疾推太僕卿即出

蓋畏東胡棟漢也且許王永光 上切責之

癸酉工科給事中王都御史高賚明工部郎中劉鱗長各削

籍追贓下獄

甲戌工部尚書張鳳翔劾內監趙進家人運大石盜格十四


萬餘金

湖廣道御史劉調羹言冬自徂春苦旱殊甚古者遇災大臣

國權

崇禎二年


主



修省今何偉位者之多也偶遇言及動廷辨求勝恬然受事而諫臣或奪俸或降級人情之不平一也王應豸遺悞封疆先已就逮而軍士未盡正法又人情之不平二也殿工冒濫各議削矣門工陵工同也何以不預在京罪囚業徵明旨減審在外安知無失刑者宜一體清釋 上是之。

南京 道御史韓相奏近來用人失平有六救敗之失有三小臣一鳴輒斥大臣被論一槩溫旨失平一也邱志充張慶臻行賄同志充大辟慶臻罰俸失平二也常祿賄中考官薄降錢千秋以假關節波及主考失平三也清吏如程國祥

鄒維璉張瑋華允誠等不失選敗類貪夫反據廟堂之上失平四也李聞詩劉昂卿撓察于察後以貪重處薛國觀撓察于察前終養錦旋失平五也察典以懲不類向以閑住削籍處此今以處浮躁是借察典為人伏罪之地失平六也東胡棟漢固未易言而水蘭一局為力差易若仍前轍不撫不剗既疲于此又驚于南遷延數歲精神湍矣此預圖之第一義也兵以衛民而寧遠固原延綏薊鎮處處鼓譟皆由督撫道將信不孚所致此預國之第二也南京重地搜括殆盡助黔餉二十五萬江西改漕四十二萬又闕額九年此預國之





三也 上是之

禮部主事賀煊避諱改名世壽

乙亥江南武進人蔣淵等訴白糧之累萬歷時定米百石耗五石鋪墊等定七兩九錢今加耗五十一石增費三十六兩乞復其舊不允

五千騎犯延綏高家堡千總德逐之出塞權漸至七黃八百騎權德敗沒參將高中軍任秉德千總白慎死之丙子袁崇煥請給島餉命發四萬金故經略熊廷弼子北璧乞收葬父骨上不許大學士韓爌


復揭請

朱國彥鎮守永平薊鎮專管馬松喜太石曹墻燕建等十路兼備倭寇總兵官曹鳴雷鎮守保定兼備倭寇總兵官各仍原官

戊寅承運庫內官言段匹織解稽延命督催各有司已卯予故顧憲成謚端文

山西聞喜等縣大風

廣東副總兵陳廷對約鄭芝龍剿盜芝龍敗歸閩不報數日寇大至犯中左所近港芝龍又敗寇夜薄中左所




庚辰陳弘道嗣 侯

應天府尹黃景章疾去

南京廣東道御史吳善謙奏去年戶部侍郎王家禎上御覽冊開新舊餉歲出浮于入約二百八十餘萬頃兵部尚書王洽奏自天啟六年崇禎元年二年邊餉共虧五百二十餘萬而臣于部奏不能無疑如雲薊永昌三年餉額三百六十六萬七千今欠二百九十七萬一千三百是實虧一年餘七月又宣府三年額餉八十九萬七千四百有奇今虧四十八萬二千五百零是實虧一年七月又大同三年額餉一百三十

五萬一千九百零今虧七十六萬二千五百零是實虧一年八月及稱闕餉則薊門止云半年應餘一百三十萬宣大止云八月應餘八十萬不識此欠後補去其云餘者歸之何所乎如云延綏三年額餉一百三十五萬一千二百今虧八十二萬一千七百零是實欠一年七月固原三年額餉五十六萬四千五百零今虧二十五萬二千三百零是實欠一年四月及稱闕餉則延綏欠三十一月固原欠二年半是所發延綏欠九月固原欠十四月不識失者又歸何所乎至如寧夏欠十之四甘肅欠十之六山西欠十之七恐亦未必與闕目



符也乞分遣風力道臣覈兵覈餉歲造冊送科合內外而覈之以足歲額

壬午故工部尚書馮從吾

李光先各贈太子太保

廢監故

林梓贈右都御史故


劉時俊贈

太僕卿

叙拒東渡功廢袁崇煥錦衣衛正千戶祖大壽本衛正千戶進何可綱署都督同知劉恩署都督僉事各賜金幣


大學士韓爌等揭曰日發票熊兆璧一本先是江西道御史饒京言熊廷弼遺骸未掩擬着家屬收葬皇上御筆刪去

茲當再擬不敢不奏夫廷弼身任經略因廣寧陷沒同撫臣王化貞論辟乙丑八月命傳首九邊其遺骸至今埋棄荒郊即令廷弼正法于今日我皇上必做古掩骼埋胔之意毋重傷海內慈孫幼子之心許其歸葬臣等用敢擬票以請蓋國典皇仁並行不背且廷弼罪案始末亦有可言戊申巳酉間以御史接遠時建尚款貢早策其邊患請核地界飭營伍聯絡南北閱大聲疾呼人莫為應十年而驗若左券其可言者一戊午巳未楊鎬三路喪師撫順清河陷沒起廷弼代鎬年餘築城浚濠修守待戰廷議以緩于奏凱使袁應泰代



四閱月而遼亡使廷弼在事當未至此其可言者二遼陽既失先帝思廷弼復以經略時撫臣主進戰廷弼主守群議皆是撫臣非經略廷弼連陳玩師必敗奸細當防莫有聽者排徊躑躅以五千人駐右屯撫臣兵十三萬駐廣寧欲過河而廣寧潰右屯俱潰其可言者三假令廷弼于此時死守右屯捐軀以殉封疆豈非奇男子即不然撐寧前錦義之間扶傷救敗收拾殘黎尤可圖桑榆之晚績乃張皇風鶴偕王化貞入關意以為我固嘗言之而不聽罪固有在則廷弼私見挾曖昧之私衷誤疆場之大計其殺身以此今傳首邊庭亦

足為臨難少忠者之戒然按封疆失陷之條堂正偕同事諸人一體伏法廷弼九泉尤當日暝乃先贓坐楊璉魏大中等作清流之陷寘既刊蜚書借題殺身死尚懸坐贓十七萬辱及妻孥長子兆珪追迫自刎則廷弼死未心服海內才臣義士亦多竊歎特以封疆礙口不敢訟于皇上之前耳臣等平心論之自有遼事以來營私者凡幾廷弼不取一金錢不通一餽問終日焦唇啟舌與人爭言大計如其家事忠賢盜柄獨膺顯倖慷慨赴市俠烈未泯傳首已過三年收塋原無禁例皇上垂仁臣等所以及此或未以為私也命許



收莖

階州叛兵周大旺等作亂官兵剿平之知府曹司牧副總兵賀虎臣功為多

安南莫敬寬寇下雷州旋遁

先是二月兵部以陝西巡撫胡廷宴題全陝大飢軍民盜劫奉旨查覈匿盜巡按御史吳煥言秦寇慘掠古所罕有陝撫胡廷宴狃于積弛束手無措則舉而委之邊兵至延綏巡撫岳和聲諱言邊兵為盜又委之內地總之兩撫敗飾釀患致奸民悍卒相煽不已而涇陽三原富平耀邠三水淳化蒲城

白水韓城朝邑等處皆被盜矣盜發于白水之七月則邊賊多而土賊多今年報盜多騎銳動至七八千人則兩撫之推諉隱諱實釀之也


寧復赤水衛總督朱燮元遣貴州總兵許成名同畢節道鄭朝棟田永寧復赤水衛繕城而水西安邦彥莫德周奢崇明等欲渡河攻赤水時赤水乏食燮元撤兵還永寧賊即追至川貴大震

五月乙酉朔日食 上以欽天監分刻限不合責禮部禮部請查例修改去萬歷四十年十一月朔日食欽天監擬以未時

國權

崇禎二年

主




正一刻兵部員外郎范守已候申初一刻嘗累疏駁正  
宣府山海關及鎮安堡大雨雹

乙未大學士楊景辰卒字載甫江西晉江人萬歷癸丑進士  
歷太子太保文淵閣大學士致仕列逆案閑住

丙申督師袁崇煥巡鎮江再宿勞軍東江尋至雙島平遠將  
軍毛文龍時詣登州請餉聞報馳還

已酉巡視錢糧南兵科給事中錢允鯨上言七事曰歲解宜  
折福建廣東廣西歲解胖襖褲鞋等件萬歷五年俱折色公  
私便之後改本色福建止天啟四年廣東自天啟四年至七


年解一費十存貯朽爛曰木運宜折廣東後榆木百段花梨  
木一百九段沒榆木百段棗木八十二段紫榆木三十段于  
南京丁字庫交收此不甚需用枉費用力曰布價宜停織染  
局例外解官用布絹歷久欠絹至七千二百疋布至四千二  
百八十匹該局十一年開染千戶部四千餘金寶稀鬆不堪  
曰織造宜核供應机房歲解袍服先年由巡視科道驗閱近  
來不經會估奸偽百出口板枋宜減三監起運板枋額費一  
萬四百金議酌減半曰占役宜汰御馬監額馬二十四馬役  
卒三百有六人至今千八百人費餉二萬有奇誠屬濫費曰



冗蠹且裁織染局春秋二運袍服先年禮部侍郎  
及  
禮科給事中朱維藩請裁鋪行召商買辦本局僉書監工掌  
司不過二十餘員今增一百二十餘員以致各商逃亡殆盡  
請行汰革

吏部尚書王永光言宜興監生湯啟奎呈父原任河南道御  
史湯兆京萬歷壬辰進士令豐城陞陝西道御史巡按宣大  
福建憂去起河南道管內計再按順天兼攝學政推陞大理  
寺丞未命賚志以沒天啟四年贈太僕少卿未几石三畏誣  
叅辛亥京察追奪夫辛亥同事今左都御史曹于汴刑部尚

書喬允升也使臣父而在必叨擢用請如顧憲成例請復原  
官誥命臣又因湯兆京外天啟中戍削追奪誥命者查照原  
官俱准復給免其子孫自行瀆賂以干天聽因列孫丕揚故  
吏部尚書湯兆京陳大綬故太僕少卿鮑應鰲故太常少常  
贈光祿卿張廷故戶部郎中贈光祿少卿李倅故刑部郎中  
陞 知府贈光祿卿于玉立故刑部郎中贈太僕卿李朴  
故戶部郎中贈太僕少卿李三才故南戶部郎中胡忻故太  
常少卿趙秉忠故禮部右侍郎王之寀故刑部右侍郎董元  
儒故廣西巡撫鄧漢故順天巡撫施天德故陝西叅政江秉




謙故山西道御史賴良佐故刑科右給事中方有度故吏科  
左給事中舒榮都故湖廣巡撫韓萬象故河南叅議王則古  
故陝西叅政俞懋衡故南吏部尚書趙昌運故禮部主事丁  
元薦故尚寶少卿徐可求故四川巡撫真憲時故江西布政  
皆削籍乞先復原官從之

裁直隸灤州訓導一永平盧龍二衛知事各一  
甄淑為光祿卿堯尚寶少卿事

庚戌督師袁崇煥至雙島  
辛亥大學士韓爌等以熊兆璧求殯父廷弼遺骸未允具揭

以請云即令廷弼正法于今日我皇上必倣古掩骼埋胔  
之意重傷海內慈孝之心廷弼當日罪案始末亦有可言戊  
申巳酉間廷弼以御史巡按遼東建下尚喙伏效貢早策為  
請核地界飭營伍請聯絡西下南北關  
壬子南京江西道御史劉養粹上言召對之機務會議宜預  
章疏之留中批發宜速救下之大臣簡拔宜決內臣之予廢  
名器宜惜貪官之查叅功令宜嚴報聞

癸丑毛文龍請餉初文龍報兵二十餘萬兵科給事中王夢  
尹編修姜曰廣詣島閱視報十萬及登萊道副使王廷試于





崇禎元年六月之額二萬八千人文龍大平故有此奏上  
南廣西道御史袁耀然劾提督漕運巡撫鳳陽李待問穢狀  
六月甲寅朔毛文龍遇袁崇煥于雙島崇煥慰勞備至

兵部尚書王洽奏汰年深武弁無薦者共四十八人從之  
吏科給事中陳良訓奏廠庫出納之弊 皇上下王都高賚  
明劉麟長于獄并責臣等庇護臣等謂是役也事非一官、  
不一品美則相安敗則迭累有以前官累後有以後官累前  
有以科累道有以道累科有巡視累監督有監督累巡視此  
際不可不核也抽扣二八之說四六之說至于七分私費三


分完公工臣自能細核臣等所聞庫兌每百金扣二金九解  
金故意短少及發商又短二三金不等今日又有兌支京門  
外瓜分近有木商某、揭稱壓庫莫如現給多領不如少便  
爾等若肯新價扣二舊價扣三當即槩給如是而豈非臣子  
負 皇上哉

乙卯四川道御史梁子璠請進講大學衍義

文選司郎中徐大相推起廢某、上上不憚鑄一秩戶科給

事中杜三策申救

命會議廠庫錢糧監督收放巡視糾察失職之罪于是給事



中祖重燁吳阿衡禠秩同王都訊問 部郎中高貴明鑄三  
級劉麟長一級調外顏繼祖李炳陳廷謨任贊化奪歲俸  
議汰兄負該撫按一切文武贄負奏上毋下吏塞責蒼梧等  
處佐貳即裁之

巡按直隸御史任僂言積貯事叅罰不可不重比較不可不  
專收納不可不稽積弊不可不革火耗屯官不可不核報聞  
毛文龍言督師禁海改運有旨謂自當稟受方略不啻  
袁崇煥報行海程期及借給東餉從之  
增平涼府馬政同知閔防苑馬寺 監儒學印


工部郎中孫延洞畢可芳作東師器仗不堪命追贖議罪  
司禮太監魏國徵糾兩廠造作不職命杖王承恩餘降奉御  
有差

鄒維璉馬鳴起為大理左少卿余大成為太僕少卿管兵部  
職方司事詹士恒為南光祿卿  
琉球國中山王世子尚豐入貢請封遣戶科給事中行人杜  
三策行人楊掄往

丁巳故

呂兆熊贈太子太保廕監

戊午督師袁崇煥殺毛文龍于雙島崇煥自出都門至寧遠



專主款初崇煥于寧遠捷後即令番僧往唁奴

意謀

和會罷歸未就再出無以塞五年平胡之命聲言折衝慮毛  
文龍泄其計遂自入島誘文龍至犒吏卒二千五百七十五  
人給餉金十萬是日閱射于陸崇煥列圍止文龍兵于外以  
部曲百人從崇煥慰勞部曲且拜泣俱感泣遂問文龍曰東  
江餉司自寧遠輸至亦甚便將軍何專折色召貝登萊也且  
移鎮之營制分旅順東西約束覈餉銀業已申奏將軍執意  
不回非冒餉欺君而何命執下文龍欲抗辨崇煥曰我今不  
復遠願試尚方劍以贖爾命又諭其部曲若文龍不宜殺爾


輩即殺我部曲錯愕命水營都司趙可懷以尚方劍斬之分

東江兵二萬八千人為四協副總兵毛承祿

文龍養子

旂鼓中軍


徐敷奏游擊劉興祚副總兵陳繼盛合領之東江諸務屬繼  
盛暫領明日祭文龍而泣遂收符印自旅順還于寧遠奏數  
文龍十二罪云臣前入朝商于大學士錢龍錫也文龍浙江  
錢塘人世海州衛千戶既襲秩其舅兵部郎中沈元祚遺書  
同年王化貞授千穩遣之襲鎮江城有功回駐皮島當遼事  
破壞之後從島中收召遼人牽掣金復海蓋四衛時龍建  
下有所斬獲頗有功但漸驕恣所上事多浮夸索餉又過多



歲百二十萬兵二十萬朝論多疑而厭之以身握重兵又居海島莫能難也廣寧已陷乙丑失旅順丙寅失鉄山連圍寧遠錦州數月不即救其才亦可見而建下以扼其背甚忌之陰通款崇煥求殺文龍而崇煥竟中其計不覺也惜哉

姜曰廣曰建下之有東江也猶人身之有蚤虱也提撮之則無處着手聽之則吮膚而不寧其言牽制非也鞭長不及馬腹也然則移蓋套何如曰石根難斷潮落道通猶蓋場堡然皆絕地也東江之師非荒忽宛在胡馬久蹴殺之同鉄山盡矣然則無関輕重乎曰中國能以夷攻夷則中

國輕夷能以中國攻中國則夷狄勝使無東江則彼得用遠人耕遠土矣設遷曰島帥初陷鎮江開皮島人俱以為功寢日久又俱以為罪物故之後傳烽大舉人又思之不置將東江偏隅果足懾建下之魄乎曰非也皮島去建下較遠牽制本影響而建下善疑得略為瞻顧或未即決計而南嚮也各塞例有餉部皮島獨不設專利則專禍旋服尚方彼伏波功成珠犀之謗猶不免焉矧島帥乎哉袁氏便且從事天下聞之說為奇舉居止何而郊原暴骨者如莽袁氏膺不



道之罰則殺島帥適所以自殺也才非周公使驕且吝又  
中建之誘殺其所忌能無敗乎

吳益明為錦衣衛僉書誠意伯劉孔昭領右軍都督府

辛酉鄒維璉為南太僕少卿

癸亥光祿寺丞鹿善繼加太常少卿

上憂早御平臺諭百官脩省自齋宿文華殿誠禱命成國公  
朱純臣告南郊駙馬都尉侯拱辰告北郊尚書畢自嚴告社  
稷壇何如寵告山川壇林欲楫告雷雨等壇諭錦衣衛指揮  
使于日升劉喬緝盜諭科臣直言又令中外諸臣清獄安民

開倉賑饑

甲子巡撫順天王應象論死

乙丑陳必謙為南通政使右叅議


丙寅國初韓國公李善長十世孫李世選奏先臣善長封韓

國公子祺尚臨安公主善長沒後太祖痛公主不絕如綫

之脉尋賜遺旨仍手書皇封上勅賜勲臣皇親外甥李盛慶

盛慶祖善長因國事罰貶去守龍關續溪縣二百十六春為


民依勅滿捧此勅到主開勅折復爵藏之八世迄于今日不  
知封中所言何事今欽限已滿臣父應寵年六十七衰殘遲



暮臣居嫡長代父貴請命下閣部驗之有皇史宬所藏太  
祖御書恭對大學士韓爌言 皇祖御書皆健而所進不然  
疑一 皇祖戒諭出自親裁載在史冊何臨御二十三年之  
後手書文法不類若此敗守龍閣亦屬無據疑二據云為民  
限滿自洪武二十三年至今二百四十年矣前此應期何不  
來奏疑三封面稱李盛慶封內稱李盛世選疏福慶延慶盛  
慶三名攷駙馬子二芳留守中衛指揮茂旗手衛鎮撫至芳  
子恒停襲並無盛慶等名疑四封內胡惟庸誤書客李祺誤  
書棋疑五篆文永昌查尚寶司寶十有七無單用永昌字疑

六又善長自縊在二十三年五月二十二日是春榜列功臣  
猶首善長而封內乃書二十三年仲春月初一日則給勅乃  
有善長未死之前其謬可知禮部尚書何如寵禮科給事中  
孫紹統並論其偽後世選論死

設遷曰陵雖孤恩漢亦負德每痛此語未嘗不為李韓公  
扼腕也世選所奏遺勅據閣藏遺墨辨其偽然謂有數字  
外相類中幅不同一時走筆字義大槩如此人雖至愚豈有  
作偽于所必無之事自取大譴哉若曰載在史冊則當時  
宸翰流落頗多史臣所盡錄在 太祖念及惟蓋而年遠



滋疑如魏其侯所奏遺詔輒同誣妄噫獨不少為韓公地  
賜秩金吾耶

代王鼎渭薨

丁卯以大雨許百官復邸舍

戊辰予工部尚書馮從吾祭葬

己巳予故

吳用先祭葬

傳制封蜀王

鑄周府安鄉王印

辛未故岷王禋洪妃鄭氏奏叛逆朋害云王暴薨速殯命緹

校逮承奉董進長史周一竒及較尉彭侍聖彭學禮張天粹

許國祥余承明仍令錦衣衛僉書 往同撫按勘罪宗善

化王長子企鉅等

御史李長春論周延儒有私不聽御史田時震劾吏部尚書

王永光不問

刑部以工部郎中高道素侵沒桂郊獄上有旨道素用五千

金侵冒甚多仍詳詰三日具奏


頒 太祖高皇帝教民六諭

壬申諭兵部曰朕以東事付督師袁崇煥固圍恢疆控馭騎

國權


崇禎二年

三七



角一切閩外軍務便宜從事島帥毛文龍懸軍海上開鎮有  
年動以牽制為名全無事實剿降獻捷欺誑朝廷器甲芻糧  
蠹耗軍國屢奉移鎮明旨肆慢罔聞奉進招降偽書詞旨驕  
悖而且剛愎自用彈劾息然節制不受定乃部署夷漢多兵  
泛舟登州聲言索餉雄行跋扈顯著逆形崇煥目見應机躬  
親正法據奏責十二罪死當厥辜大將重辟先聞自是行軍  
紀律此則決策弭變机事粹圖原無中制具疏待罪已奉明  
俞仍着安心任事一切善後事宜委任道將料理仍榜示東  
江各島餘從寬議家屬子弟在島悉放寧家冒姓查已歸宗

者并親信諸人悉從赦宥將領量才授任洗濯維新軍士給  
糧勿致飢困久戍勞苦願除名者聽遣民精壯收伍給屯老  
弱西歸量資濟渡朝鮮聲勢相連亦與移諭毛文龍死後摠  
兵官沈世魁等統其眾屯種廢壞已徙寬安袁崇煥既主款  
因奏曰臣亦不諱言即惠徵宗社還侵地歸叛人而我存朝  
鮮存建州何憚不為又奏令建下易去年號方為代請雲南  
道御史毛羽健上言督師袁崇煥對陛下曰五年滅敵臣  
心壯之然恐此語非平日成筭迫于顧問猝然以對耳臣今  
有五問一問方略自古禦胡攻守兩策故有犁庭掃穴亦有





墾田積粟今督師果厲兵秣馬往擊之乎抑繕隍治堡彼來而我邀之也或十年不犯或一年數來我將何以待之一問兵制從古名將料敵治具有以八萬而破百萬之衆亦有攻荆終始謂非六十萬人不可今督師果止用閔門見卒之十二萬乎抑大舉時或別有調發也如止用見卒則以少擊衆十圍五攻政未足言如別有調發則沿邊勝兵不下三十餘萬何不見一疏一檄以備調遣乎一問運糧我成祖北征先議饋運今督師果因糧于敵乎抑師行糧從尚須內地之暫輸也如果因糧于敵則極目平沙無糧可因如尚須轉輸

則自有遠事以來舊餉虧百萬新餉僅支目前司農無兩年之積未見講積貯之法何悠也一問局勢遠事初起有五路進兵三方布置及用西用朝鮮之說俱不可今督師之于插漢果必疑之可恃即不為我用亦豈為我害乎其于毛文龍果見此兵之得力可以牽建又可以東建此之局勢不可不察一問善後遼土陷沒久矣五年不能復禍固不可言即五年能復遼瀋間冷日沉沙千里無烟我即得之彼毛憐海蓋諸夷開原鉄嶺諸衛能不置重兵以守之乎既置重兵能不轉餉乎今兵十二萬以守閔門而有餘他日兵三



十萬以成遠而不足今餉四百萬以養閔兵而尚不足他日  
餉四千萬以養成遠兵而益無餘將竭天下之力以供一遠  
事有不忍言矣督師于此未見明陳曰我何以取何以守之  
也報聞或曰袁崇煥主款羽捷因借五問以窺上指云  
吏科都給事中陳良訓言啟衛訊鞠之濫上以故事不聽  
癸酉安南莫敬邦寇廣東欽州  
乙亥故四川提兵官達奇勳戍邊  
戊寅復張國紀太康伯  
楊崇獻為右軍都督府僉書

命加勳戚諸臣歲祿有差仍各賜以金幣謂謚典襄禮告成

也

已卯進 陳光裕太子太保陪祀前臣

故 李起元贈少保廕監

起王志道南大理少卿

庚辰工部郎中高道素死


辛巳復吳炯南太僕卿

壬午始勅修 熹宗愍皇帝實錄先是 上諭內閣及諸臣

實錄傳信將來最要虛公朕昨日閱覽 皇考實錄頗有失

國權 崇禎二年

早



實之處蓋時政予奪或意在激揚矯抑不得驟言得失即章  
疏敷陳亦有風聞臆見難保盡出公確惟略存當時始末以  
聽後來評繹庶几初意不悔今意合者存其美不同者去其  
實或突載一節或單標數語成心徧見滋惑傳疑其于實錄  
之義何居今 皇兄之錄未竣應加申諭又今士鮮實行人  
多虛飾其于薦獎乞恩尤甚以目見耳聞之事輒要欺人以  
載鬼說夢之言敢于奏上才難自古記之何近時之多賢耶  
善人多而天下治何字內之多故耶祇足貽訊後世見笑識  
者亦當禁之

癸未以南吏部右侍郎唐大章筦軍職貼黃  
都督侯世祿進太子太傅王家賓為署都督同知


七月甲申朔故湖廣按察司僉事馮應京孫 廕監

予故南京吏部尚書余懋衡故禮部右侍郎顧起元祭墓

乙酉司禮太監曹化醇提督東廠

丙戌命戶部給陵工銀十二萬金從德陵總理太監孔文源  
之請

戊子戶部左侍郎李成名上言邊餉郡縣以九分為率 上  
不許令通解



癸未開平貢士趙養蔚有率鄉兵禦敵城守有功特試中書舍人

乙未召兵部尚書王洽于平臺諭軍務

郭培元嗣武定侯

乙巳召廷臣于平臺

文震孟為左春坊左諭德兼署司經局

辛亥夜福建興化地震

壬子揀漢虎墩兔憨兵自西而東迫白馬關外擄溫布等酋

卜喇庫等不能拒求寄輜重母妻子閩內邊臣以聞兵部尚

書王洽議閱其窮而來歸為擇便安置惟留此質資其外藩

惟邊臣便宜行之耳洽又言 巡撫張宗衡云揀漢叔桑

我賽素不協有兵若干不受節制駐牧西邊搜殺套虜動稱

請賞即此人也


召吏部尚書王永光病不至疏謝慰諭之

左都御史曹于汴由議御史回道考核有旨回道稱職仍任

不稱職奏罷之邇來無一不稱職即平常亦無以激勸今雖

平常不對品調外外轉司道仍是風憲豈得以不職處 無過

之須另行降罰



許濬祥降都督僉事


是月廷訊罪監劉若愚言故貢士趙鳴陽並不曾入魏忠賢幕府也蓋陽嘗館秉筆太監魏學顏家非忠賢得杖贖

八月甲寅朔召北鎮撫司千戶李若璉於文華門

河南布政司右叅政路周道領誥勅語涉蹇澁命致仕

乙卯四川總兵官侯良柱兵備副使劉可訓在永寧出兵過賊少失利即入城貴州兵不之救賊遂據桃江壩

戊午四川巡撫右副都御史張論總兵官侯良柱討閩賊時偽梁王奢崇明合偽大元帥安邦彥兵數萬攻永寧論簡兵八千人屬侯良柱令兵備副使劉可訓懸重賞購賊至五峯山桃江壩大敗之斬首萬計後張論以軍中失印罷去蓋奸弁求冒功不得故結死士竊其印以去之也



庚申侯良柱許成名約并力攻賊賊恃其山險方飲宴蜀兵乘霧進搗其寨賊倉皇接戰我兵力擊大破之黔兵夾進賊走入鴛頂嶺徑長而陁及官兵追迫矢刃交驟賊人馬蹙踏傾墮七筭。


辛酉安邦彥敗走官兵追之。

壬戌巳刻追安邦彥於江土川貴州兵爭為功時斬獲大首百四十三人初邦彥先至赤水朱燮元謀知之密令守將許成名佯不勝拔營去之永寧誘賊深入薄永寧城賊中誘即令林兆鼎自三岔入王國楨自陸廣入劉養鯤自遵義入邦

彥恃其勇故旦夕先破永赤之兵還拒諸將急挑戰許成名與永寧將侯良柱鄧玘等約夾攻賊兵始交成名與羅乾象繞出其背奮擊之賊大潰士馬自擁壓死甚衆崇明邦彥莫德等悉受創官兵斬其首時夷人崩潰可盡殲之而蜀將爭級發憤拔營先歸餘賊稍得遁  
乙丑建一千騎屬夷東不的三千騎自大鎮堡分二道自杏山高橋舖自松山直薄錦州。

丙寅又至焚掠。

庚午陷雙臺堡。



辛巳建下出大小凌河毀右屯衛城而去

九月甲申官兵往山東霑益

丁亥命工部收驗軍器

己丑督師袁崇煥以建欲西先請駐寧遠增成關門至是

遣叅將謝尚政等往脩順天巡撫王元雅謂虛警遣歸而建

師詭秘竟不出

辛卯葉燦為南吏部右侍郎

壬辰劉先春為太常少卿徐楠為光祿少卿練國事陸世科

為太僕少卿

甲午劉鍾英姜逢元教習庶吉士

丙申卯刻月食雲陰不見

己亥官兵定烏撒安邊安氏來降

辛丑孫居相改吏部左侍郎成基命以吏部左侍郎莞右侍

郎事起羅汝元太僕少卿

文選主事程國祥為稽勳司員外郎

癸卯起駱從宇禮部尚書何喬遠工部右侍郎

督師兵部尚書王象乾致仕


丙午予故

陳道同祭壘

國權

崇禎二年

四十五



駱養性為錦衣衛南鎮撫司僉書

戊申吏部奏言 皇上汰冗負臣以為莫先于清廕兩京三品以上官及疆場大吏例廕其子念其祖父勞動也乃有父兄罪削而子弟恩廕如故有逆案遣戍徒民而其廕子得官如故又有考滿得兩廕如萬歷時貪撫陳用賓激變獄死而子反封二廕居然祿任夫廕以酬勞臣非卹罪臣也宜驗封清核請裁以杜僥倖 上是之

魏雲中為提督宣大山西軍務兵部尚書


己酉高勛仍都督僉事提兵官鎮守湖廣謝弘儀仍都督僉事提兵官鎮守福建

庚戌王夢尹為太僕少卿

奪毛文龍世廕錦衣衛千戶毛雲龍除名

故經略遼東楊鎬棄市

辛亥故吏部尚書贈太子少保趙南星謚忠毅故工部尚書贈太子太保馮從吾謚恭定故刑部尚書贈太子太保王紀謚莊毅故左都御史贈太子太保高攀龍謚忠憲故禮部尚書贈太子太保王圖謚文肅故左副都御史贈右都御史楊漣謚忠烈故禮部右侍郎贈禮部尚書周炳謚文簡故光






祿少卿贈太常卿加贈吏部右侍郎顧憲成謚端文故吏科  
都給事中贈太常卿魏大中謚忠節故吏部員外郎贈太常  
卿周順昌謚忠介故祭酒贈禮部右侍郎劉應秋謚文節  
巡撫陝西劉廣生報雋川縣曹店村宜川縣龍耳嘴各賊混  
天王王子順等千餘人掠韓城之龍門渡守將失利督糧道  
叅政洪承疇同撫院中軍李滿倉屯都司艾穆千總費邑宰  
擊破之賊走清澗

時總督楊鶴以筮仕長安知縣借行部侈并州之意

順天府尹劉宗周言 陛下屬精求治宵旰非寧時舉 祖

宗故事召對文華殿蓋躬勤細務朝令夕改勒限回奏庶几  
太平之立至然程效太急不免見小利而慕地功何以効唐  
虞之理哉夫今日所汲汲于近功者非遠事乎臣以為遠事  
不足慮也往者建下得遠地不能守無意窺中國久矣 陛  
下銳意中興刻期出塞當此三空四盡之日竭天下之力以  
養飢軍而軍愈驕聚天下之軍以冀一戰而戰無日此計之  
左也今日所規規于小利者非理財一事乎民力竭矣司農  
告匱一時所講求者皆掎克聚斂之術正項不足繼以加派  
加派不足繼以火耗又三四年并水旱災傷一切不問條例



紛、大抵轉展病民甚于加耗有司以培克為循良而撫字  
之政絕上官以催徵為考課而黜陟之法亡皆言利有以啟  
之也功利之見動而廟堂之上不勝其煩夫事、而糾之不  
勝汰也人、而摘之不勝誅也于是名實相混而法令滋張  
頃者嚴贓吏之誅自執政以下坐重典者十餘人可謂得救  
時之權然貪風不盡息所以導之者未盡善也其後國事急  
裂真如宗周言大學士徐光啟言十五日奉旨往局測候日  
食自卯初一刻至日出俱雲陰不見據欽天監靈臺官俱依  
郭守敬授時歷法初虧在卯初一刻按新法在卯初三刻回

回歷在辰初一刻法之不同如此今布陰雲是法無從徵驗  
十月壬子朔


丙辰閔夢得為兵部右侍郎起郭尚賓兵部右侍郎添設  
戊午進督師袁崇煥太子太保

陝西長安知縣梁州杰故嘉善尚書丁賓奴產子也得罪而  
逃冒山西籍得第至是事發免官下臺訊

壬戌廷臣請立 皇太子不允

甲子傅淑訓為太僕卿方孔炤為尚寶卿

乙丑廷臣請立 皇太子允之



己巳薛獻祖嗣陽武侯

庚午召宣大總督魏雲中于文華殿

甲戌屬夷朝浪伯彥報建下謀入犯喜峰馬蘭大安口。

戊寅建下阿卜大以數萬騎入大安口。叅將周鎮死之。子世祿

分入龍井口游擊王純臣。叅將張安德敗走。又分入馬蘭谷。

叅將張萬春降。山海關總兵趙率教以兵援。先是薊鎮塞垣

頽墮。又汰兵益闕伍。而三衛屬夷貳于我。故建下謀大舉。巡

撫順天王元雅遣兵援馬蘭谷而潰。

己卯建下圍薊州。

庚辰京師聞警。或云建下及東不的合兵。或云建下搆漢合兵。無確說。

套下。愍于兒罵犯寧夏。搃兵尤世祿擊斬之。

搆漢犯延綏。官軍擊斬八百十級。


十一月壬午朔。京師戒嚴。

督師袁崇煥自寧遠趨山海關。聞警急趨榛子嶺。調援檄巡

撫保定解經傳馳赴。

癸未。諭兵部曰。昨降夷報建下。西下合兵製梯分犯。狡情近

真。各邊屢添新兵。自足戰守。令胡謀如此。勢難復議。調援薊



遠宣大山延等鎮各圖據險設伏必令匹馬不入自邊內畿  
輔山西各郡邑修防儲練屢奉嚴諭未見改觀今須開款城  
堅池深濠內添築短牆開竇設炮城門設吊橋近城作何收  
斂遠村作何歸併鄉兵火器糧草俱量地大小定數勒限司  
道親督至寧錦各城應慮持久龍固原平并圖預防如此布  
置再種早禾使千里無資胡勢自困畿輔山西郡邑若干每  
處頒減砲一三眼槍一令模製之

河南府推官湯開遠奏君猶天也父也臣猶地也子也今宇  
內氛氣充塞似有聖主無善治此何由哉以皇上獨勞無

諸臣以輔之也皇上急于求治諸臣救過不給臨御以來  
明法勅罰自小臣以至大臣與衆推舉或自簡拔無論為故  
為誤俱褫奪戍配不少貸甚則下獄拷追几于刑亂國用重  
典矣皇上急于求治臣謂天下固不治也而以已治之心  
治固不治也朝廷猶未甚亂也即以已亂之法治之又自亂  
也諸臣欲奉公營職而慮及天威不測夢魂亦驚舊章難恃  
耳目俱熒此而欲鼓豪杰之氣奏精勤之理不亦難哉夫媚  
于天子盛明之象也至狴犴幽陰之地本繫外徼羶裘之屬  
而數以置中原冠帶之倫桁楊慘毒不盡加之亂臣賊子而

